

Philea Resort & Spa Melaka Rai Anak Yatim Sempena Ramadhan Al-Mubarak



Connie menyampaikan cenderamata kepada Asmah

Oleh **NURSURAYA ZULKIFLI**

AYER KEROH, 7 Ogos - Philea Resort & Spa Melaka telah mengadakan Majlis Berbuka Puasa meraikan Anak-anak Yatim dari Kompleks Rumah Anak Yatim Fatimah Al-Zahharah (KAYFAZ) dan Rumah Tunas Harapan Semarak Kasih, di sini, malam kelmarin.

Pengarah Pemasaran dan Komunikasi, Connie Chin berkata, majlis itu merupakan tanggungjawab sosial korporat (CSR) pihak Philea Resort dan Spa kepada masyarakat.

"Selain itu, pihak kami turut menggalakkan aktiviti-aktiviti kebajikan kepada kanak-kanak dan golongan yang kurang berna-

sib baik.

"Kami juga gembira dapat meraikan anak-anak yatim dan miskin ini dengan memberi mereka peluang merasai kemeriahan berbuka di bulan Ramadhan ini," katanya semasa berucap pada majlis tersebut.

Turut hadir pada majlis itu, Isteri Ketua Menteri, Datin Seri Asmah Abdul Rahman; Pengerusi Jawatankuasa Negeri Perumahan, Kerajaan Tempatan dan Alam Sekitar, Datuk Md Yunos Husin; Pengurus Besar Philea Resort dan Spa, Ronald Choong dan Ahli-ahli Bistari.

Sementara itu, Asmah berkata, majlis ini merupakan satu usaha murni pihak pengurusan



Pelajar-pelajar Rumah Tunas Harapan Semarak Kasih bergambar bersama Md Yunos dan Asmah

Philea dalam memberi peluang kepada mereka yang kurang mampu untuk turut serta berbuka puasa di tempat yang istimewa.

"Saya berharap melalui majlis ini dapat memupuk nilai-nilai murni yang turut dikongsi bersama seluruh masyarakat di negeri ini tanpa mengira kaum dan agama," katanya semasa berucap pada majlis berbuka puasa tersebut.

Pada majlis tersebut, seramai 100 anak-anak yatim terdiri dari 85 KAYFAZ dan 15 dari Rumah Tunas Harapan Semarak Kasih turut menerima sumbangan duit raya disampaikan Asmah yang mewakili pihak



Asmah semasa menyampaikan duit raya kepada salah seorang pelajar KAYFAZ

Philea Resort dan Spa.

Turut menyerikan majlis itu, beberapa artis tempatan bagi

menghiburkan para tetamu seperti Zaibo, Azizi Zakaria, Zenny Salahuddin dan DJ Ordy.